

قالِك إِيه؟

طب قوليلي قالِك إِيه...؟؟

قالِك إنتي نور عينييه؟

وانتي قمره وانتي جنة....

كروان قلبه لما غنى..

وانتي راحة م العذاب...

قلبه شافك طب داب...

وانتي وردة بستانية...

أحلى مُزة مستوية...؟

.....

أصله برضه لما جالي..

قاللي نفس الكلمتين.

كل حرف وكل جزء...

حتى يمكن قص لزق.

.....

الفرق ما بينك وبينى....

اللعبة فشلتني تفهميها...

بس أنا ومن البداية...
كنت فاهمة إيه اللي فيها.
مايغركيش فيا الخيال...
دربي من يومه مُحال
عقلي بُوصلة موجهاتي...
كاشفه أشباه الرجال.
يعني ماتخافيش عليا..
مهما غنى ومهما قال.

.....

هو فاكِر أي واحدة...
تتفع نمرّة في الطابور.
طمعان ياخذ حق غيره...
عقله معجون بالغرور
أهل بيته خط أحمر...
واللي براه مستباح.
المهم اللعبة تنجح....
التصميم هيجيب نجاح.

.....
ليه مستغربة من بعباده؟
ولأ يكون قاهر ك غيبه
نوعه ما بيضيعش ثانية...
هتلاقيه مع واحدة ثانية...
قصدي تالته.. قصدي مية.
وهي نفس الإسطوانة..
ولسه دايره التمثيلية...

"إنتي قمره .. وإنتي جنة.."

" كروان قلبي لما غنى.. "

" وإنتي راحة م العذاب... "

" لما شوفتك قلبي داب.. "

" وإنتي قدري وإنتي ليا.. "

" أحلى مزة مستوية". □

